



Universitätsbibliothek Paderborn

**Batavia, Sive De Antiqvo Veroqve Eivs Insviae Qvam
Rhenvs in Hollandia facit situ, descriptione & laudibus;
aduersus Gerardvm Noviomagvm, Libri Dvo**

Aurelius, Cornelius

Antverpiæ, 1586

Excusat se Imperator quòd non temere hoc munus acceperit, sed sola
pietatis gratia. quam exponit, & domino Papae gratias agit.

urn:nbn:de:hbz:466:1-38123

Excusat se Imperator quod non temere hoc munus acceperit, sed sola pietatis gratia. quam exponit, & domino Papæ gratias agit.

MIRVM si non miraberis S^{me} Pater, cum sacratissimo fratrū tuorum collegio, me plurimis forsitan principibus, & robore & diuitiis & potentia longè inferiorem ad hoc excellentissimum imperatoriæ dignitatis officium aspirare. Verum si rem ipsam boni consulere dignaberis, & me in his (quæ dicturus sum) haud grauatè exaudire, intelliget planè s. t. me non temerè aut ambitione inductum, vt istud tantæ molestiæ munus, (vt verum fatear) obire audeam: sed zelo quodam, nescio cælesti ne fato, an numine afflatum, ad omnipotentis Dei honorem, qui spretis omnibus Isai filiis, solum Dauid humilem elegit, hoc me attentare dumtaxat voluisse. Cùm enim nuper acciperem à narrantibus, solâ progenitorum meorum incuriâ Turcas à Christianitate duo propè Imperia, duodecim regna, & nongentas pænè vrbes abstulisse; indolui fateor, & vltrâ quām credi potest, in me ipse contabui. Magnus etenim ille Philippus, à quo genitor meus sibi nomen sortitus est, quum esset in conuentu Ratisponensi, adeò

G 5 ab Ænea

ab Ænea Silvio (qui tum ibidem imperatorias agebat vices) de Turcarum in Christianos immanitate perorante, ad expeditionem in ecclesiæ hostes animatus est, ut non sine lachrymis, sanctè iurauerit se illi bello mox commode affuturum, crucisque signaculum à Calisto Papa acceperit. At nescio quibus de causis aut certè fatis repugnantibus, omissum est tam necessarium tamque expediens prælium, nisi quod res vti uno impetu mota, ita etiam facile sæpius residet, aut principibus ipsis forsitan ob voluptatem rem tantam omittentibus. Sed neque nos præterit, eundem quem diximus Philippum, ad Æneam Pium tum Pontificem, quum Nichone ageret, moturus inde in barbaros, oratores suos misisse, qui eius moram excusarent, quod tum vndique intestina (proh dolor) bella resurgerent, neque facile esse, sua defendere & exteris interesse. Germani enim partim in se, partim in Pannonios ad arma properabant. Excitabantur Britanni eadem tempestate, dupli factione, quarum altera veterem in insula regem, altera fugato veteri, nouum in officio retinere conabantur. Hispani præterea eodem in tempore Barchinonensis auxilio futuri, quos Aragoniæ Rex armis Gallorum adiutus

adiutus, bello premebat, omnia deturba-
bant. Et quid tum abauus meus senior ille
Philippus equidem debilis ac ætate pressus
ageret, in horum ferè medio constitutus,
nisi suorū futura timere spolia, inuasionses &
rapinas si abesset? Verum enim vero ut vo-
to suo vel specie tenus satisfacere, & eccle-
siæ rebus omnino nō deesse videretur, colle-
cto grandi suorū exercitu, & valida nauium
classe, misit filium suum quem vnicè dilige-
bat Antonium (Borgundiæ nothum vocia-
nt) ut ob indictum Turcis bellum eius
suppleat vices ac promissum. Is igitur ubi
post plurima maris pericula tandem in Cala-
briam appulit, accepit à Duce regionis literas
Philippi sigillo cōsignatas, quibus mādabatur
prouincialibus loci, ut Antonium, si quando
illuc venisset, morti adiicerent. Contre-
stat Antonius literas, & patris sui sigillum
aspiciens mirum in modum obstupuit, nihil
sibi conscius aliquando perpetrasse quod
genitorem suum offenderet. At mox hoc
sola aulicorum factum esse persentiens per-
fidia, domum redire maturauit: ne quod in
se tam enormiter factum excogitatumque
doluit, etiam ipsi in patrem Philippum
molirentur. Accessit his insperata mors
summi Pontificis, qui tum iturus in bellum
quod

quod Turcis indixerat, classem iam paratam
in portu Anconitano, ducemque Veneto-
rum Christophorum & Christi conmilito-
nes habuit, relictis collegio Cardinalium, in
vsum naualis belli & triremium, sexaginta
milibus nummum aureorum. Quare sub-
lato totius Christianitatis capite & pastore,
oues dispersae sunt, & qui que in sua rediere,
omnisque illius expeditionis apparatus &
copia in spongiam imò in spumam (quod
fertur) abiit, & redacta est in nihilum. Po-
stremò quid de proauo meo referam impe-
ratore Frederico tertio, quem vulgo ferunt
aut ex Iudæorum tributis adeò auaritiæ de-
ditum ut expensas ad prælia cauerit, aut cer-
tè somnolentiæ, ut in neutralitate (quam di-
cunt) summam sibi pacem constituerit &
quietem. Etenim dum frequëtes pro Chri-
stiana republica conuentus, tum in Italia,
tum in Germania, celebrarentur, & iam ca-
pta Constantinopoli haud minimam pater-
næ hæreditatis suæ partem in Romondiola à
Turcis audiret occupatam, vix potuit exci-
tari ut obstaret, forsitan suapte natura pacis
quàm belli amantior. Quamobrem qui-
dam Cardinalium (qui tunc legatus ade-
rat) dum nihil certi in tanta rerum anxietate
& angustia decerneretur, sed diæta diætam
semper

semper páreret, in hanc maximè senten-
tiam, & quidem longa satis epistola ad sum-
mum rescripsit Pontificem: Si ita, inquit,
sanctissime Pater, postea pugnabimus, vti
nunc stertimus, proculdubio iam vicimus &
triumphamus. Sic igitur & similia mecum
repetens, confessim animo destinaui, (Deo DEO
mihi propitio facto) hanc meorum negli-
gentiam resarcire. & vitam meam, meaque
omnia pro ablatorum recuperatione prom-
ptissimis votis exponere. Si in hoc B. Pa-
ter delinquo, precor mihi ipse ignoscito.
Non enim excidit nobis neque subterfugit,
quantis sollicitudinibus & curis, nedum mi-
seriis & periculis, haec vestis qua me decora-
sti referta sit, ita vt ne humi quidem iacen-
tem, eam tollere vellem: sed nescio quibus
inflammer desideriis, aut etiam fatis impel-
lentibus, vt quietus esse non permittar, do-
nec hanc ipsam patrum meorum maculam
atque dædecus, aut meo sanguine, aut certè
egregio quoquis pro ecclesia Dei subeundo
facinore, & abolere, & abluere mihi conce-
datur. Alteram, atque adeò vrgentem
causam quæ me licet immeritum, ad hoc
impulit munus subeundum, iste nunc He-
raldus inter prandendum & calices tibi, si
placet, mea voce coram recitat.

Supplicatio